

## Uunga

Allannguutissatut siunnersuut

**Uunga siunnersuut: Nalunaarasuartaatitigut attaveqaqatigiinneq aamma  
nalunaarasuartaatitigut sullissinerit pillugit Inatsisartut inatsisissaat nr. xx, xx. 2017-  
imeersoq**

Aappassaaneerinissamut Naalakkersuisunit saqqummiunneqartoq.

§ 2-mut

**1. § 2, imm. 4 Imatut oqaasertalerneqassaaq:**

”Radiukkut tv-kkullu aallakaatitanik siaruarterisarneq ammanerulersinnejarsimavoq.  
Naalakkersuisut tamatumunnga maleruagassiorsinnaapput.”

§ 36-mut

**1. Imm. 3 imatut oqaasertalerneqassaaq:**

”Allaffissornikkut peqqussutit, Inatsisartut peqqussutaanni taaneqartumi imm. 2  
naapertorlugu atulersinneqartut imaluunniit atuutiinnarneqartut Inatsisartut Inatsisaat manna  
naapertorlugu taarserneqarnissamik atorunnaarsinneqarnissamilluunniit tungaanut  
atuutiinnassapput.”

Allannguutissatut siunnersummut oqaaseqaatit

### **Oqaaseqaatit nalinginnaasut**

Nalunaarasuartaatitigut attaveqaqatigiinneq aamma nalunaarasuartaatitigut sullissinerit  
pillugit Inatsisartut inatsisissaattut siunnersuut 2. oktober 2017-imi siullermeerneqarpoq.  
Siullermeerinninnerup kingorna inatsisissatut siunnersuut Sanaartornermut  
Ataatsimiititaliami, isumaliutissiisummik aappassaaneerinninnissamut atorneqartussamik  
suliaqartussami suliarineqartussanngorlugu nassiunneqarpoq. Ataatsimiititaliaq  
isumaliutissiisummini Naalakkersuisunut kajumissaarivoq, allannguutissatut  
siunnersummit, radiukkut tv-kkullu aallakaatitanik siaruarterinermi suleriaatsinik  
atorneqareersunik ilangussiviusumik saqqummiussequllugit.

Tamatuma saniatigut ataatsimiititaliap erseqqissaatigaa, § 36 aalajangersakkanik, siornatigut  
sinaakkutissanik il.il. inatsisitigut tunngaviliisunik amigaateqarpasittooq.

### **Allannguutissatut siunnersummi aalajangersakkanut ataasiakkaanut oqaaseqaatit**

Normu. 1-imut

Inatsisissatut siunnersuummi § 2, imm. 4 aalajangersakkatut atuutsitsiviunngitsutut oqaasertalerneqarpoq. Sanaartornermut Atatsimiititaliap kaammattuatigisaatut radiukkut tv-kkullu aallakaatitanik siaruarterisarnermi suleriaatsit pioreersut inatsisinik malinnittunngortinnejarnissaat ersarinnerulersinniarlugu, suliassaqarfiup ammanerulersinneqarnera inatsimmut ilanngullugu allanneqarpoq. Naalakkersuisut pisariaqartitsineq malillugu radiukkut tv-kkullu aallakaatitanik siaruarterisarnerup ammanerulersinneqarneranut maleruagassiorsinnaanermut inatsisitigut tunngaviliisoqarpoq.

## Normu. 2-mut

Oqaaseq "imaluunniit atuutsiinnarneqartut" ilanngunneqarpoq aammalu oqaaseq "Inatsisartut inatsisaanni" oqaatsimik "Inatsisartut peqqussutaanni"-mut allanngortinnejarluni. Oqaaseq "imaluunniit atuutsiinnarneqartut" allaffissornikkut peqqussutinut, Nalunaarasuartaatitigut Attaveqaqatigiinneq aamma Nalunaarasuartaatitigut Sullissinerit pillugit Inatsisartut peqqussutaata 2006-imeersup atuutilinnginnerani peqqussutigineqarsimasunut, kisiannili Inatsisartut peqqussutaat naapertorlugu atuutsiinnarneqartunut tunngasuvoq. Allannguut manna atuutsinneqanngippat, inatsisip matuma akuerineqarnerani peqqussutit atuukkunnaassapput.